

Mosolmante sakhobu Quran khu Arab ham maimai a kigel ahia, A immante un Allah (pasien) haan a akikouna uh zong Arab haam ahi. Khristianten Pasian thu suhletna ding a Bible ham chin a kisut bang in Muslim sakho suh let ding Saudi Arabia leengpan a tum a Quran khu Arab haam mai a kigiel ahi zieh ahi. Muslim sakho beten zong Arabmi ahilou uleh A umzie a thei tuom sih uhi. Khuchin, ham tuomtuom in ang letta ua, Muslimte leh midang in ang sim chieng un, A sakho bu mukhetu Muhamad min 4 vei a tuong a, Jesu Khrist tanchin leh amin khu 94 vei a tuong hi. Thamlou in Jesu khu hundampa ahidan leh Ama khu van jotna lampi ahidan ana tuong hi. Muslimte leh Quran simtuten lamdang asata mama ua, tulai in Mosol mante khu akiling masa mama ua, Khsistian ah mitamtah ang ki pieh law uhi. Kum 2000 tan in Assam gam ah Muslim mi Khristian chi ding a um nai sih a, kum 2009 sung in Muslim 6000 val ten Psian thu awi in Baptishma atang uhi.

Mangpa thupi taken. Tuin Assam gam ah Muslim Khristian 32,000 val a umta hi. Sil lamdang khat kia khu Ac-qaida chief Suprimo Osmabin Laden Pakistan gam a atennah Obbadtabad khuo ah May 01-2011 in Americas apeiten athat

ua, A dokan (table) ah sapham Holy Bible 2(ni) amu ukhu ahi. Baible te khu a en ua, achang chiemte na ding a apieh ihing bang in peeh tamtah ahip hi. Muslim kulmut Israel leh Khristian dou chimit tumpun bang chidan a Bible nguntah a ana simthei ata diei? Thamlou in, Arab mihausa tapa (Security zieh a min langlou) Osmaw pawl a ding a sum amaktaduoi teltel a lakhawm zel pan “Window Prayer summit Malaysia gama 2010 a anei kum un “Mang Jesu ka thei masang a ka sil bolkhiete Mangpan hing ngaidam henlen, Tuin vang Jesu mai zui katup ahita” Mit hii leh Testimoni a puong in, Khristian ah ang kipie hi. “Lei a Lalten dounan le uh agam alien deudeu ding hi” (Christian outlook July & Dec. 2011).

WCC in Israelte humlou in, Muslimten Khristiante a suh gen-thei nate theisiem utsih nanleh Mangpan ang hum in ang theizing ahi. Palestine leh Muslim sakhuo betute a ding in guntu tah in thumzel va ui.

Mangpa khu hing pei pai ding ahita, kiging zing va ui. Masang lai in Australia gam tung Meilum lah ah peengkul 6vei aging a, atopkia pai a, a 7 vei na ding khu bang ata diei?

Mangpa’n theisiemna hing pechietta hen.



Pasian mite pen khuoi(Bee) bang in kukal va ui.

Khristian Tangkou simtu zousie Mangpa Jesu min toh chibai hoitah ka hing buh hi.

Pasian mapuina toh sepguol hunsung te zong lawchingtah a i zaw tah zieh un Pasian kung ah kipahthu itut uhi.

Tu in Hattuumte ei Presbyterian Church of India General Assembly nuoi a um ten a tangpi in khawmpi nei hun hate ah i hing lut tou chietta uhi. Tami Khawmpi, Khanglai (ZPYF) Numei (ZPWF) lieng a te ban a pawlpi khaitu District vaihawmnate, Presbytery leh Synod lieng ah Session hing nei tou tading ihmian un Mangpa kung ah a panpina leh a hing mapuina ding ngen chiet va ui.

Tuachin tu ha a i kinget uh ahileh atung a thupi tomnou khat i tahlat uh khu ei Pasian pawlpi ten zong Pasian zatatna lientah nei in sinthei chiet lei a ut huoi hi. A thupi ah Pasian mite pen khuoi (Bee) bang a kukal ding ihi uh chi i gen nuom hi.

1. Laisiengthou sung ah Khuoi thu Livei (four times) mu in a um hi. Samson (Judges/Vaihawmte 14:8) tualeh Deutonomy 1:44, Lapite 118:12 leh Isai 7:18 te ahi uhi.

Khuoi khu Assuria gam a Pasian in migiloute a thununna akizang ahi. Khuoi pen ganhing kukal tah ahi chi zong ithei chiet uhi. Ama uh te a taima uh a, aneh ding uh Khuoiu hoitahte zong a khawm tua koikoi uhi. Tuachi ma bang in Pasian mipiten zong Mangpa deilam ahoi leh Pasian lungtunna nasepte ah chitah na i sui chiet ding uh ahi.

Tami thu in ei Pasian mite ahing jilsah ut ahileh Khuoiu humna ding leh Khuoiu hoi hing pienna ding a Pasian mite

eima toh/sep ngaidan tung a Pasian lungtunna leh Pasian deilam ahoipen pen akilawm penpen, a siengthou penpen te Mangpa maicham a ipieh ding uh ahi.

Tami khuoi te pen a pangkhawm siem ua jong akithumang uhi. Eite zong mihing zie (nature) tuomtuom chiet ihi uh ahin Pasian a ding leh Pasian deilam sem ding a pawlpi khat a umkhawm ihina ua, Pasian pawlpi pen khu i toisang ua Pasian min i dopsang ding uh khu i mawpuohna uh ahi.

John Calvin in Presbytery pawlpi a ding a abulpi pen pa in tam bang in a gen hi. “Na van ja ut te khuin atup atunna ding in a hing siem tan kim sih hi”. ana chi hi. (The means does not justify the end). Tuazieh in Pasian pawlpi leh Pasian be dinga kou doh a um ten Mangpa deilam bawl va ui.

Mangpan loupina tang taken len simtute zong Pasian mapuina toh hoina lungsietna leh Pasian Hagau umpi nan hing dimta un. Hebrew kammal Hesed khu Mangkam in Mercy ahia, eima ham in “khotuo or ngaisah chite in zong a thuhdan a genseng zousih hi. Azieh pen igentah bangin Pasian itna khu athuh a, alien a asang a, mihing thumanlouna in asuse zousih a, mihingte khelna leh bolkelna in zong a sudanglam thei sih hi. Tuaziehin Gospel John in leitung a um ama ate a it a atawpdong in amau a it hi ana chi hi (John 13:1-6 Isai 49:15).

Mihingte khotuotu hundampa mikhielte sui in lei sapsiet tan na mun ah hing pei in Khantanhoi mizousie kipahna ding tangthupha ang puo a, Khantanhoi dang mikhielte a dinga hing tut koima umlou in, aman mikhielte, mi piengsuolte, mittaw leh khelbaite, mizawng leh gentheite, mibang a simloute, nuoinetbeh a umte, mite hepina tang zouloute leh gentheina nelsiete a dingin Avan thupinate nuasia in lei ah ama leh ama hing kisuneu in mihing banga hing piangin, Kross ah eite a dingin ang shi a, siem itan theina dingin shina pat in kaitho in a um tahi. Bangzatah a khelna nei hinanlei zong Mangpa’n ang it veve hi.

Khuchi, Faith and Order leh Life and Work Conference te khu kipawl in WORLD COUNCIL OF CHURCHES (WCC) khu kum 1939 in ahing puon sawmta ua, hinanleh, kidoupi 2na zieh in ang khawlsanta ua, ki doupi 2na zou kum 1948 in WCC khu ang piengta hi. Tam kum ma in Israel in Independence amu hi.

WCC in thupitah in khovel ah kal a suon a, ahuoplien deudeu a, bible thudih ngaisam pawl Liberalism te leh Modersm te ang panpi deudeu ua, Protestant Hattuum ten i nuasie sa Roman Catholic Hattuum te toh ang ki hou thei deudeu ua, WCC Khawmpi vel ah Roman Catholic Hattuum uliente khu ang tel zing ta uhi. Roman Catholic ten Prostestant laipawl (heretics) ang chijel uh khu top in, “unau tuom umte” ahing chi doh ta uhi. Ahing it mama ta uh, kum 1972 lai a WCC President Areh Bishope of Canterbury Mechael Ramsey in Khristian zousien Pope khu Hattuum Lutang a apom chiet ding uh ahi chi ka gen masa thei hi a chi h i.

Roman Catholic pen Pasian Hattuum thou (ve) ahizie in WCC in a sepkhawmpi tha a anei pen khoh lou hita leh Khristian Hattuum zonghilou Muslim, Budhis, Hindu etc. te toh ang kipol khawm zel mohpen Evangelical Hattuum tamta a ding in theisiem hasa ang suohta hi. (Sakhochin kitah lang na thugen) “Religious Phural-

ism” khu WCC ah ahlanta deudeu hi. Tua thamlou in “Universalism” a chi uh, Mizousie hundam ahi ding chi WCC in a ngaidan hi a thei in, a umta hi. Khuchin “Inter faith dialogue” khu sakho dang bete toh a neipi zel a, ki theisiem a kiempi a nuom ua, khuchin WCC khawmpi te ah Muslim siempute leh Budhist siempute tel in thu a gen zel ua, Muslim Bieh inn te ah WCC lamkai te kikhom in thum na anei zel uhi. WCC in sakhuo dang te ‘inter faith dialogue’ anei shi ua, aneipi t am pen uh Muslim te ahi.

Khristian sakhuo kizom khawm lien tah in Israel panpilou a Muslim apan pi zieh in Judaten Khristiante ang mu siet law ua, alah ua Pasian thu gen zong ahamsat law hi. Israel zousie Minister lui Ammon Rubinstein in WCC in Ssraelte a muda mama uh chin agen hi. Kum 1949 lai in Israel gam ah Khristian 34,000 maimai a um a, tun ahileh 165,000 sang a tam a umta hi.

Agam alien zel ding hi

Tualai hun bang a Arab gam a buoi na um bang khovel hing pein apat ana um ngai nai sih. Khristian te suhgentheina gam Algeria gam ah mi 15,000 in thakhat in van a Jesu kilah amu uhi. Muslim gam dang dang ah zong Van ah sil lamdang amu zel uhi. Isarel leh Arab kidou chin in Arab sepaiten vah a vansoltah kilah amuzel uhi.

Lamkai malah a, khosung/ vengsung anawkhiet dia hoi/ Belampu, Siempu hiding malah in, mipi dia zong deihuoilou/Pasalte adia ajite Guh leh Tang natna Ajite adia lungkhamna/Gutate sang a zauhuoi zaw/Pasian thute sang a, Beh leh Phung, Chi leh Nam ngaina zaw/Laimal suhhen touhen ding tawh buoi khop etc. Tuabanga alai a Singgah ne te Hattuum sung a

kipat potkhe ding hitamaw leh Lamkaite suhkha va/suhkha sihya koi in e genthei ding? Tuazieh in ki enpha va ui, Mangpa i Pasian itung ah kipah dingin na gingta na amah? Zah na ding bil neitapou in, kisiemthana ding huninei sun in, Mangpa'n simtute piengtha thei ding leh shina Singgah neh vabuot a, shi mai lou ding in, Simtute zousie guol hingjawl taken Amen.

WCC HING PIEN DAN

- Upa M. Zamthang
Muallum Presbyterian Church

Hattuum reform masang kum sangkhat sung Hattuum lientah tah ni khovel ah ana um a, tuate khu Western Europe gam a Pope in apuihuoi Roman Catholic Hattuum leh Eastern Orthodox Hattuum ahi.

Roman Catholic Hattuum lien leh thunei mama khu nasatah in apeisuol ta chin kum 1517 in German Siempu Martin Luther in doudal na Protestant movement khu ahing puong dohta hi. Roman Hattuum dihlouna point 95 tah a gel doh a, tuate khu '95 of Thesis' chi ahi. Tuami apat in Hattuum pawl tha tulai a te zousie khu Protestant chin khovel in ahing theita uhi. Roman Catholic Hattuum pen ahi leh tunitan in khovel Hattuum lah a atampen leh a hausa pen ahi zing uhi. Protestant Hattuumte zong idih louna hing holta le uh point 95 sang a tamzaw zong ang muthei

uhi. Khuchin Roman Catholic Hattuum ang keehjaah a, pawl tuomtuom tam tah ihing um nua un Hattuum pawl dangdang toh khovel huop a sepkhawm dan ding "ecumenical movement" khu kum 1910 in Edinburg Missionary Conference ah John R. Moth Lamkaina nuoi ah guot ahia, agasuo khu kum 1921 in International Missionary council ang nei uh khu ahi. Tualeh kum 1927 in Swetzarland gam a Lausane khopi ah khovel pumpi huop in Faith and order conference ang um a, kum 1937 in Oxford ah life and workconference nei ahi.

THU TUOMTUOM LEH THUMNA A THEI DINGTE

- **MPCS giel ching:** Tutung Manipur Public Service Commission Examination ah Zou Synod mi leh sa hi Lunzamung Tungnung s/o T. Gouzadou Ex-Minister in tunai a MPSC Examination ahing gel ching zieh in ikipahpi tah zet uhi. Pasian in thupina tang ta hen.
- **Syria gam buoina ha** 18 val buoi nung un zong UN sut dan in mihing sangsawmthum leni bang a shi t ahi. Mihing Lakh khat val bang agam veng Jordan, Turkey, Lebanon gam ah agaltai ta uhi. Lybia gam bang a UNO kigol ding a chi chieng un Russia leh China in a veto Power in adal khezel uhi. Ani ani a mihing ashi bebe zieh in tam tuolgal aveng kin theina dingin ithumna uah thei chiet vai.
- **October 9-10 sung FMPB** te toh Mission awarness Seminar Synod Mission and Evangelism sponsored na nuoi a Zomi Colony Presbyterian Church ah a um a, mi 300 val sah leh hanga hing pei khawm in resource persons FMPB te in hing pei in Bahara kipe chiet in lawchingtah a zaw ahita hi.
- **ZPC Shillong Hattuum** in Date 21--24 October 2012 sung Seminar anei ding ua, Local Pastor Khamchinkhai leh Rev. (Retd) H. Nengzatun in sinsahna anei ding uhi.
- **Traffice Rule tha kizui pan:** Accident a mishi atam seng zieh leh Christmas leh Kumtha kuon a Teddim Road Police Point leh IB Road kikal mi vanlei mi atam seng zieh in tam bang in Traffic Rule DC in bawl tha hi. November 1, 2012 apan in kengni nei atai zousie helmet khuh ding uh ahia, akhuh lou um theilou ding ahita hi.
- **Korea gam ah** ahileh Gari tai zousie a driver ten Zu a dawn uai? chia checkna Computer Machine khat Driver te nap thei ding Police ten gari heh zousie kham/khawl in mi anam sah zel ua, zudawnte gari aheh sah mawngmawng sih uhi. India gam ah tam abang a a um theina ding hun gamla nalai va maw.

ZOU PRESBYTERIAN CHURCH SYNOD PIEN DAN TOMKIM

*Upa Suankhanmang
Chief of Tangpijol*

Zou Presbyterian Church Synod fullfledged Day (Synod piching mu ni) ZPCS huong sung a Pasian kung a kipah thu genna a zah chiet ding a, 8th ZPCS Session thukimna 53na dungzui a Rev. Stephen Chinzathang, Sr. Executive Secretary theisahna No. ZPCS/Gad-01/2012-63(55) dungzui in ei Presbyterian Church, Zomi Colony a Synod pien dan tomkim suut ding a guot a ka umna ah kipah thu ka gen a, a kim sipsep lou maithei a, i thei dandan in tomkim in suut vai.

Synod pien dan:

Zou Tapidaw khangthu ah MGP apan a MEP a kisiemdoh hun lai kum 1964 vel lai apat in Synod a din ding lunggulna ana um zing pen mangtheilou in kum 2000 in PCI Assembly Khawmpi Kolasib, Mizoram ah nei ahia, tua PCI Khawmpi ah PCI Constitution siem tha ding ban ah Synod ni leh thum in Regional Assembly abawl thei ding dante thukimna a um a, tuabang PCI

thukimnate in MGP leh MEP Synod a din ding lunglutna a tut hi.

Tuachiin, MGP leh MEP Standing member-te toukhawm in Synod nget ding in akithukimta hi (Vide Resolution No. (B) date 29-08-2001). Kithukimna dungzui in Manipur Synod ah ngetna lai piehlut ahi.

Manipur Synod a ngetna akipieh dungzui in Manipur Synod in Study bawl na dated 30/09/2001 in ahing bawl ua, MGP leh MEP Standing member-te toh MGP Office ah houlimna nei ahi.

Tuachiin, the 25th Manipur Presbyterian Church Synod Khawmpi, Lamka Presbyterian

ALAI AH SINGKUNG

Gen. 2:9

- Pu K.C. Manga

Tam atung a thulu “Alai ah singkung” chi in Pasian hagau in nasatah in ahing houpi a, ka lung akhoi mama mai hi. Tulai Thuhuntha ah alai a singkung pou Gingtute hindang dan leh hun hingpei zel ding in sie leh pha, ineh leh hiing ding, ine leh shi teitei ding ahi chi ahia, alai a singkung ah tam anuoi a teng gah hi leh koiteng anekhka ihi ding uai? koiteng nekhahou a hiing ihi ding uai? chi ihoulim ding uhi: Thuhuntha ah tam anuoi a teng singkung ah agah hita leh!

1. Sawm-a-khat capture Gah
2. Anntangham atun na ding tungsahlou na Gah
3. Sunday thawlawm/Building sum dihlou tah a zahna Gah
4. TE/DA dihlou tah a la na Gah
5. Election ding khu Selection Gah
6. Dihlou tah a Cash Memo kila Gah
7. Lamkai utna zieh a Vote suina Gah
8. Ahi ding bang tah a sum leh pai zahlouna Gah
9. Numei leh Pasal dihlou tah a kipawl na Gah
10. Meithaite/Gentheite itlouna Gah
11. Dihlou tah a Vaihawmna Gah
12. Ji/Pasal & Nu leh Pa leh Tate kikal a

- sum leh pai kiphuolgu Gah
13. P i e n g t h a l o u t e ngaisahlouna Gah
 14. Bial a um ngaplou na Gah
 15. Kimudahna/Kihuotna/Kilangkenna Gah
 16. Beh leh Phung, Chi leh Nam ngainatna Gah
 17. B e l a m t e d e l z a h / suthelthang na Gah
 18. Panmun khu apu, apa gou a ngaina Gah
 19. Sum leh pai muhna ding ahih pou leh khawsahlouna Gah
 20. Pasian bulpi a neilou, Khawvel a gam hausate bulpi a nei utna Gah leh adang nempi etc.
- Tam atung ateng ban ah ine leh shi theina ding tampi a Gah a, tua sing Gahte nekhapouma Vangam lutlou ding ahia, a nekhate a ding a Vangam kai theina ding umsun khu, khelna kipuonkhiet a, Pasian kung a ngaidam nget ding ahita mei a, tua bang a khelna kiphuongkhia in, umchietta maw lei, akhente suongkul/Lockup/Nawsuoh/Sialpi leh Salam a ki gamdi/

SEPGUOL THAWLAWM SUBMIT DAN - 2012

Lamka District

1. Lailamveng Rs. 25167
2. D. Phailian Rs. 1804
3. Canan veng,
New Lamka..... Rs. 627
4. V. Bethel Rs. 1322
5. Mualtam..... Rs. 501
6. Hiangdung Rs. 650
7. Zoumun..... Rs. 400
8. Thingkangphai.... Rs. 2123

Singngat District

1. Singngat..... Rs. 2058
2. S. Vengnuam..... Rs. 2360
3. Tangpijol..... Rs. 1530
4. P. Muvanlaikhuo . Rs. 2100
5. Mawngken Rs. 1415
6. Hiangtam (K)..... Rs. 1000
7. P. Suohzahaukhuo Rs. 800
8. Maukot Rs. 710
9. Tuimanjang Rs. 442
10. Munpi..... Rs. 300
11. Kisuhtuona
thawlawm Rs. 610

Tuivai District

1. Behiangjang Rs. 6550
2. Hiangtangjang..... Rs. 3239
3. Hiangtam (B)..... Rs. 4000
4. Behiangtung..... Rs. 1000
5. Tonjang..... Rs. 1000
6. Lunjang Rs. 2000

7. Kisuhtuona

- thawlawm Rs. 649

Tuiningkual District

1. Tuining..... Rs. 9081
2. Sangaikot..... Rs. 1610
3. Zomi Zion Rs. 120
4. Kuvan Rs. 200

Gunpang District

1. T. Munnuam Rs. 950
2. L. Gangpimual Rs. 1163
3. Saiboh Rs. 2703
4. N. Khaukual Rs. 735
5. Teisaljang Rs. 1585
6. T. Khuangkhai..... Rs. 660

Sualam District

1. Sugnu Rs. 3683
2. Moreh - I Rs. 2870

Imphal District

1. Langgol..... Rs. 3080
2. Moreh - II..... Rs. 2000

Others

1. Shillong Rs. 15705
2. Bangalore Rs. 2600
3. Delhi Rs. 2607
4. Mangjing..... Rs. 450
5. Paspoti..... Rs. 320

District chin a te:

1. Central District ... Rs. 35000
2. Lentang District.. Rs. 20000
3. Zotang District.... Rs. 9121

Church (TTP) ah Synod in ngaisutna aneia, PCI a piehsawn ding in thukimna aneita hi (Vide Resolution No. 38 dated 09/02/2002).

Manipur Presbyterian Church Synod thukimna dungzui in PCI Executive Committee in Study Team ahing sawl a, dated 26/09/2002 in MGP Standing member-te toh houlimna a kinei a, azing ni dated 27/09/2002 in MEP Standing member-te toh houlimna a kinei hi.

Tuachiin, PCI Study Team in PCI Executive Committee ah report abawl ua, PCI Executive Committee in chiengzaw sem a khuolchilna nei ding in (Supplementary Report) pe ding in Pu Rev. D.C. Haia, Administrative Secretary leh Pu Rev. Laldawngliana, Administrative Secretary ahing sawl kia a, dated 10/02/2004 JCA Golden Jubilee lop ni in MGP leh MEP Standing member-te toh houlimkhawmna a kinei hi.

Tuachiin, PCI General Assembly Khawmpi, Dawrpui Presbyterian Church, Mizoram

ah Zou Presbyterian Church Synod khu Provisional a siem ding in a lemsahta hi (Vide Resolution No. 11 dated 07/05/2004).

Tuachiin Provisional Synod Rev. R.P. Lyngdoh, Moderator PCI in dated 26th September 2004 in Zou Presbyterian Church Synod Provisional a honna ahing nei hi.

Tuachiin Pasian panpina toh ZPCS in masawn zel in kum thum sung Provisional a um pen, Mairang PCI Khawmpi ah Fullfledged Synod a siem ding in PCI in thukimna anei dungzui in 10th September 2006 ni in Rev. C. Rosiama, Moderator, PCI in Synod Fullfledged honna ahing neita hi.

Pasian in thupina tang taken.

Zou Tapidaw Khangthu ah kum 1964 lai apat in Synod lunggulna ana umta a, MGP apat in MEP tanpha siemkhiet a na um in lunggulna pen ana hing zing toupeh hi. Tuachiin PCI khawmpi in kum 2000 kum in Constitution siemtha a Synod ni leh thum in Regional Assembly neithehi dinga lemgelna hing um

pen in ei a ding in Synod nget theina lemtang leh thanopna tha ahing piengsah hi.

Thumna a thei dingte:

- | | |
|---|---|
| 1. ZPCS huong sung a, a misiengthoute Hagau Siengthou pawlna tang a, ZPCS in Missionary tampiasawlkhieththeinading in. | 5. Synod Office Staffe a ding thum ding. |
| 2. ZPCS bajam, Numei Pawl (ZPWF) leh Khanglai Pawl (ZPYF)-ten tu sang a Pasian nnasep a hatzaw sem a pan alah theina ding un. | 6. Synod Biel Pastorte leh Workerte a ding a thum ding. |
| 3. ZPCS Modality dungzui a, ZPCS huong sung a Upa Camp, Seminar, Financial Campaign-te tamzaw sem a nei thei ahina ding in. | 7. Synod huong sung a Upate leh Meithai-Tagate ban ah Tuunnu Liimbel a umte leh a semtute a ding a thum ding. |
| 4. ZPCS huong sung a Local | 8. Synod huong sung a sum-le-pai enkoltute a ding a thum ding. |
| | 9. Eima Hattuum in malam a sawn theina ding a thum ding. A Hymn of Grace |

Tuban Khristian Tangkou a thusuo (Article) pie Thugin sukha leh Theology lam toh kisai suoten athu lahna source/Reference/Bibliography a tahlat theilou leh suosah ahi nawn sih ding hi.

ZPWF COLUMN

Tukum 2012 September 29-23rd October sung a Tuunnu Liimbel adia silpieh hing pete tam anei a bang ahi.

- | | |
|--|---------------------------------|
| 1. Hauliankhup, Taga thawlawm... Rs. 670 | |
| Lailamveng Rs. 50 | 13. Tuiningkual Dist. PWF |
| 2. Upa Chingenpau, Khawmpi Taga | |
| Muallum..... Rs. 100 | thawlawm Rs. 874 |
| 3. H. Kapneithang, 14. Kamgenpau, | |
| Central Church.... Rs. 2,000 | Lailamveng Rs. 100 |
| 4. PWF Awnchinkapkhuo | 15. Upa S.K. Samte, Tuibuang |
| Rs. 1,500 | Buhum pot khat |
| 5. Chindeiniang, | 16. New Zoveng PWF- |
| Central Church.... Rs. 200 | Anntang 55 Kg |
| 6. Lamka Dist. PWF Khawmpi | 17. Aina PWF = Annjang bag-1, |
| Taga thawlawm... Rs. 1,213 | Mai Half Bag, Annteh leh |
| 7. Central Dist. PWF Khawmpi | Malta |
| Taga thawlawm... Rs. 2,718 | 18. Gunpang Dist. PWF |
| 8. Central Dist. PYF Khawmpi | Khawmpi Taga |
| Taga thawlawm... Rs. 1,140 | thawlawm Rs. 550 |
| 9. Tuiningkual Dist. | 19. PWF Zoutang District |
| PWF Rs. 282 | Taga thawlawm . Rs. 800 |
| 10. Tuiningkual Dist. PYF | 20. Lamka Dist. Khawmpi |
| Khawmpi Taga | Tunnu Limbel Rs. 1377 |
| thawlawm Rs. 270 | 21. Nemngaibiak, Central |
| 11. Dimkhochiin, | Rs. 100 |
| Zomi Colony Rs. 500 | 22. PWF S. Vengnuam Rs. 530 |
| 12. Suolam Dist. PWF Khawmpi | 23. PWF Shillong Rs. 1410 |

Sutzopna peh-17 ah

KEMTU HINA A DIHTATNA

*T. Ginzahau
Evan. Teacher.*

A masa'n simtu zousie I Mangpa Jesu Khrist min in chibai ka hing buh hi. I Lai siengthou enlei Ephesate 2:10 ah silhoi bawl ding a siem a um ihi. Ama khutsuo ahi ngal ua, achi hi. I gam i et chiengin silhoi bawl kidem lou a, sil hoilou bawl kidem hilei akilawm hi. Sawm-a-khat leh thawlawm dangdang kipe jungjung mai a hinanleh eima local chiet ah ki hentang sieng poi mama hi. Tamteng ahiman in eima local chiet ah sum kemtute ki enpha chiet va ui. I silpiehte koi ipieh uh adiei? Pasion ipieh uh e? Awle i semtute ipieh uh e? Kingaituo pha chiet va ui. Mihing pe dan a ikingaituo leh itha bang a se ding hi. Tualeh kei mudan in Pasion muon ngamna zong kitasam ihi. Pasion muong kawm in i budget bang Crore 2(ni) bang hitaleh mu thou ding in ka ki lamem hi. Ei Churachandpur District huop a i Presbytery tanpi ten bang hinna leh hagau anei ua, Pasion a zau uh adiai? Tunin a semtute un a niem thei pen a sangsawm bang lawphata uh ahi. I gam in dihtatna atasam mama hi. Ei pawlpi pen a luongkhelou tuipi shi (Dead Sea) toh kibang ihi uhi. Tam teng ahiman in i society nei sunte zong financial Crisis te

zieh pei jang thei lou hi. nna pen apat khiet isiem ua, a bawzuina pen ki tasam mama hi. Tam bang idihtat lounate zieh un siemjilna lam ah IAS, Doctor, Engeneer bang lawchinna kimu theilou hi. Khotang sum mai hilou in Pasion sum bang utdan dan a jang ngamte ihi uhi. Dahuoi chi lou ngal gen ding a um sih hi. Alamdang mama khat Hattuom sunga Pasion sum dih taha peina te ah Hattuom a hin mai hilou in hattuom miten hagau a kipahna tang uhi. Tamteng ahiman in kisiem tha kawm in del lei ipha nalai ding hi. Tam Article simtu zousie kung ah genkhiel a um leh ngaidam ka hing ngen hi. Mangpa'n tami thu tengte zang in i hagau hinna hing siemtha chiet taken. Amen. Kipah ing.

SONG REVIEW

SUONGPI KIP

THE SOLID ROCK

- Rev. Edward Mote 1797-1874



Rev. Edward Mote min khu laphuotu Fanny J. Crosby, B. B. McKinney, Ira Sankey ahilouleh laphuotu thupitahtahte bang in Hattuom lah ah a ging lou maithei. Hinanleh a hinkhuo tangthu in Khristian hinkhuo ah tha ahing pe ngei ding hi. Mote khu Khristian innkuon apat khangkhie vang ahisih a, Lai siengthou sim dan zong ana thei vateh sih hi. Atahtah in a nu-le-paten ginatah in a enkol sih ua, ngaisah in zong a umsih a, tuachiin Nipini hing tun chieng in khopi lamlien ah a kimawl zing uhi. Ama'n "Pasion um lam ka na theilou khu ana mawl mama ka hi" a chi vawt hi. London ah January 21, 1797 in apieng hi. A nu-le-paten a ngaisah lou zieh un, kholai a kimawl na in a hinkhuo masa ana zang hi.

Hun bangtan ahiei zou in Mote in Pasion thutah hing thei in kum 18 ahi in baptisma ahing tang hi. Ahin, tam bang a Pasion thu a thei zieh in Mote khu Pasion nasem ding in a kipe pai sih a, hinanleh ama khu Pasion a ding a kizang thei ding in kisinsah na panpan ahi giap hi. Tuachiin sing nasep (mistry) kizil in London ah kum tamtah ana sem hi. Tuachiin lawchingtah a, a sepkhiet theina ding in kum 37 dang ala nalai hi. Khum zou kum 55 ahi in Rehoboth

Baptist Church, Horsham, Sussex mun ah Pastor nna sem in, Pasion gam nasep na ahing pan pan a, tuanah kum 21 sung mawngmawng Nipini chieng in Pulpit (Pasion thugenna) a pel ngaisih hi. Horsham mipiten ngaisang in a deithaw mama ua, tuachiin a Biehinn uh silpieh in a pe top uhi. Hinanleh Mote in "Biehinn ka deisih a, Pulpit maimai ka dei hi. Khrist thu ka gen ding a, tuachieng in khum mun apat ka pawt ding" chiin ana dawng hi. November 13,

1874 in a shita a, Rehoboth Biehinn huong sung ah vui in a um hi.

Tambang a leitung hinkhuo ana zahna apat in Mote kichipan tam “Khrist suongpi kip (The Solid Rock)” chi laa hing gel in i hing nei thei uhi. Tam laa khu a nasepna hun a, ahing gelkhiet ahi. Kum 1834, jingmawng khat nasem ding in a pawtkhie a, tam laa a lungsim ah a hing lut hi. A nasepna mun a tun in a thunon (chorus) ding a nga kia a, tam ni mama in a tang lina a nga kia hi. Laisienghou a innlam mi ni (Suong tung leh sehneltung a innlamte) tangthu apat ngaituona hing pieng khie in tam laa ahing gielkhie hi.

Tam laa khu Mote in a la kaikhawm zakhatte toh 1837 in a suokhawm a, Khrist Suongpi Kip chiin a thupi in William B. Bradbury in 1863 kum in ana tahlang hi. Tuachiin John B. Dykes in “Melita” achi kia a, “The Navy Hymn” ah “Tangtawn Pa Hatna leh Hundamna” chi in zong a um hi.

Ala thu:
Sap ham:

My hope is built on nothing less
Than Jesus’ blood and righteousness;
I dare not trust the sweetest frame,
But wholly lean on Jesus’ name.

When darkness veils His lovely face,
I rest on His unchanging grace;
In every high and stormy gale,
My anchor holds within the veil.

His oath, His covenant, His blood
Support me in the whelming flood;
When all around my soul gives way,
He then is all my hope and stay.

When He shall come with trumpet sound,
Oh, may I then in Him be found;
Dressed in His righteousness alone,
Faultless to stand before the throne.

Refrain:
On Christ, the solid Rock, I stand;
All other ground is sinking sand,
All other ground is sinking sand.

Zou ham

Lam-et dang bangma nei vawt sing,
Jesu leh a hoina lou ngal;
A hoipen in jong muongjou lang,
Jesu min bou ka gingta hi.

Khrist suongpi kiptung ah ka ding,
Mun dang piaunel tum theina hi
Mun dang piaunel tum theina hi.

Mielna’n amelhoi lie nanleh,
A hepi na ah keimuong vang;
Huipi hatleh zauhuoi nuoi ah,
Ahalim nuoi ah keihing sel.

Athu a sisan achiem a,
Zauhuoi nuoi ah kei hingpan pi;
Laukha lungbou kavop lai in,
Ama ka muon leh tenna hi.

A pengkul toh ahing pei chieng,
Kei Ama kung ah umvang in;
Ama hoina a kivon in,
Dingvang dembei in Ama ah.

Zoute ihi uhi.

Tua thamlouin, hattuom (Church) vai-jieh a, vuoh leh sat tang kha, mai-hi-lou a, gensiet chinteng na tang mibang jat ahi zong I um mai ding hi. Alang khat kia ah, innaam Zoute jieh a ahinna natan loh, jong ki umlai mai ding hi.

Adihtahin I Hattuom (Church) uh leh a thugin, Bible thu-pen i ki-lamna ding uh leh ipan khom nang uh ahi, ban ah; i-dam a, ihing tawn tung nang uh ahi hi.

Tuaziehin nang minaam or Zou aw, Bible simte na gensiet masangin nang jong nasimin. Bible sungah, kipahna, kilemna, (lung khata luong khom theina) leh kumtawn dong a hin den den nang thute na jil khe thei ding hi. Ama vang na san nop leh noplouna in thu khen or thu jawhna aboawl ding hi. Tualeh Na naam a ding a nahinna na-pieh moh; masangin I Zou-naam-pi a dingin ahinna nakem hoi dam thei (health) sah mama zawh in.

ZPWF sutzopna

25th October 2012 nitah in ZPWF ten Shillong ah ei Hattuomte kikhopna a kineipi a, tuanah Tunnu Limbel a ding Ginna thuchiem kimuteng leh a chiemteng tam anei a bang ahi.

Tu-le-tu a peteng

1. Deizanieng	Rs. 50	14. Nh. Ruthi	Rs. 20
2. Paulunmang	Rs. 20	15. Haukhup	Rs. 30
3. Mangsuanthang	Rs. 500	Tualeh a pe nailou teng tam anei a bang ahi;	
4. Chiinkhanniang	Rs. 100	Hachin a chiem:	
5. M. Siehkhothang	Rs. 100	1. Rev. Khamchinkhai	Rs. 50
6. Muanzaniang	Rs. 100	Kum khat a chiem	
7. Donzahat	Rs. 100	1. Paulunmang	Rs. 100
8. Mandeih	Rs. 100	2. Upa Soizagin	Rs. 100
9. Neinu	Rs. 100	3. Upa Sianchinpau	Rs. 3,000
10. Vungkhodim	Rs. 100	4. Manneiching	Rs. 200
11. Thanglal	Rs. 50	5. Esther	Rs. 100
12. T. Lalsuanthang	Rs. 20	6. Hauching	Rs. 150
13. T. Joel Zou	Rs. 20		

GIN UM NA

- *Thanglianpau
Bangalore*

I ngaidan uh khen khat te lah a ni(2)te

- Mi-mel-siete, laa-sah siem uh.
- Hattuum lamkai-te mi-nautangte sangin, hoi zaw uh.

Mi-khen khat bangin, mi-mel hoilou deu amu khah chieng ua:

“laa na-sa-siem ei?”

“Laa-sah, ka siem-lou”. A chi khah ngei ngei leh, “him...kinepna dang na-nei nai?”

A chi san mai uhi.

Tua leh Mission workers-te umdan kilawm lou deu, amu khah chieng un.

“Him.. him.. Hopeless zong um-sih e, I mission lamkai-te na-ngawn jong hichi tamai ahi chienga, ei-loi in bang i-hoipi ding-u la...” chi toh hattuum a a panmun (activity) nelsie in, a hagau hinkhuo kisiet na ding naa asem mawh uhi!

Kei thei danin, i-gam ah; laa-sah; kijil pei mi a um jieh in, tuni tan in hattuum sung ah, Pasian phatna laa sa ding mi a-um jing hi. (Ei Hattuum-te i-pien suol, i-mel hoilou jieh ua; laa sah-siem ihi sih uhi).

Tualeh mi-hoi khat jong i-um sih hin: mihoi loute tatna ding a hing shi a a

sisan toh ihoi louna te uh hing sawp sah Jesu jalin i-bawnun isiengthou thei uhi. Mission workers, Church members Sisan lui khat a kisil-ten. Bang nopmoh na nang sieng zaw deuin iki chi ding uh lah? I-mawhna sil sieng tu sisan a ki-lim bol (ki filter) tuom chi lah um lou a.

I ngaidan khat kia taleuleu, uh. Bible simten, Pasian naa asepteitei ding uh. Bible jilzou in, private company a sem bang lah!! Eimite ning-neng I hagau mit ha hite hitamai hiamawh?

Lai a siem lou jieha, Bible ang sim un, neu khat ang bol thei sim chieng ua; sumtamna lam del atamai veh uah leh. Hagau lamthu hi-hen: tahsa lam thu (politics) ahi-ta zongin; koi ma lamet ding leh; kineppi thei ding umta sih, hai e... Chi ngaidan thomhau mai naamte or

Tam laa khu Late 94:22; Mathiu 7:24-27 leh I Korin 10:4 pansan ahia, Khrist suongpi ahi dan chientah in a gen hi. Mode in leitung sil ah sawtpi kibuoil in luongmuonna ding sui nanleh a muzou sih a, Khrist chiloungal kingatna ding leitung ah bangma dang umlou ahidan hing theikhie in tam laa ahing bawl hi.

Tang khatna in Khrist a, a kingah dan chientah in a gen a, gingtute lam-etna khu leitung silte hilou in Jesu hoina a kinga ahi dan a gen hi. Tangtawn hundamna neina ding in eima lam apat bawl thei umlou ahi dan leh Khrist nasep ahi dan a tahlang hi.

Tang nina ah, Mote in gentheina, hamsatna leh leitung mielnate khu ihinkhuo ah tuoh zel in Pasian toh kitanauna hing liekhu zel bang in a thei a, tam hunte ah zong Pasian in hing taisan ngailou ahi zieh in “A hepina ah kei muong vang” ana chi hi. Hebraite 11:1 a imu bang un Mote in mielna nasatah a um chieng in zong I ginna khu kiptah in a um thei a, khum hun chieng in “A haliim nei ah kei hing sel”

ana chi hi.

Tang thumna ah, A sisan zal in zauhuoi dinmun ah ding nanleh “Ama (Khrist khu) ka muonna leh tenna ahi” ana chi a, Khrist haliim nei ah hamuongtah in a um hi.

Tang lina ah, Jesu Khrist a misiengthoute khawm ding a, ahing pei chieng in ahing lakhawm ngei ding a, leitung tahsa hoilouna zousie Ama van tahsa hoina toh hing tuom in Pasian mai ah siemtang leh dem bei a ding ding ahi dan chientah in amu in ana giel hi. Tam tang apat in Mote in Khrist ah hamuonna dihtah anei chi chientah in a kilang hi.

Tuachiin koima donlou leh keplou pasal naupangpa apat in tam Pasian laa kilawm leh hoitah I nei thei uhi.

Unau tu in eiten zong Pasian I biehnua uah Pasian apat hamuonna dihtah leh kingatna tahtah in I nei na uoi? Kingaituo a ngai hi. Khrist suongpi kip tung hilou mun dang khat ah inn I lam kha thei hi. Khrist suongpi kip loungal ah muonna leh bitna a umsih hi.

MUTHEILOU MELMA SETAN

- T. Khakhai
Zomi Colony

Tampi vei Pasien aum sih chi kamteng kana zakha tahi, hinanleh Setan umlou ahi chi thumal kana zakhawawt sih a lamdang kasa mama hi. I Bible in Setan ahing kipatdan ahing hil hi, Bible in Setan aum hi chi hing na theisahlou hitalezong I tenna kiim-leh-pam et a imukhietthei silhoilou chingteng pen abolsahtu mikhat umding ahi chi theithei ahi.

SETAN HING KIPATNA:-

(1). Ezekiel 28:12-17:-

Setan pen Eden huon ah aum a, ama ahileh Vansawltah dangte sang a dinmun sangzaw a siem ahi. Ama ahileh vengtu Cherub ahi. Khielna neilou ana hi a, melhoi leh hoina a bukim, Suongmantam chinteng a zep ahi. Hinanleh Setan pen Pasien masang ah ana khiel a tuachiin a dinmun apat satkhiet in ana um hi.

(2). Isai 14:13-14:-

Amin Lucifer phalvah tapa, Van akipat a leitung a hing kesuh ahi. A tawmkhelna:- a lungtang in Pasien sang a tungnung utna anei hi, ama pen Pasien hi a ut hi

china ahi. A lunglut huoi mama khat ahileh Setan in Evi a hem/ sol a Pasien nabang ding ahi chi kamteng azat khu ahi. Mihing te'n ama abiehthei nading un amangtoupaha a dawmsang sawm a, tuachin Pasien in Setan Vanmun apat in akaikhie hi.

(3). Setan nasep?: -

Setan pen siemtawm (made) ahizieh in munchin ah khatvei thu in aumtheisih a, hinanleh dawiten (deimons) setan na aseppi ua amaute simseng ahisih ding uhi, dawiten mi ahemban ah mizong atenpi (possessed) thei uhi, Jesun zong dawu ana nawdoh chi (Mat 7:14-18, Mk. 5:1-5, Luk 13:10-17) imu uhi. Tatsa tate Pasien hagau in atenpi

(Savings) ah Rs. 500/- hitaleh Rs. 10000/- toh hing kituochet ding ahi. Tam dan a ibawl leh leibat jong kinei senglou ding ahia, tom nanleh, atam neite bang in i zangthei ding uhi.

6. Saving (Kholkhiat) bawl ding— Budget i bawl chieng in neukhat teitei kholkhiet ding ahi. Ajiehpen mailam hun a bang kituoding? Koi damlou ding? Koi in Zinei ding? Koi hingsi ding? Chi kitheilou ahiman in, tambang hunte I tuochiang ua, mikung a khutdoh a I tai louna ding ua, kikhol angai hi. Tam pen I jah ding te I gel khiatchiang a manghillou ding ahia, a poimaw pen telah a jong khat ahi.

7. Leibat bawl louding— Lei bah nei kichi ahoi sih a, I lungsim hing noplou sah gige khat ahi. Kipahni hingtung nanleh I leibah bat jie in i kipah nate a bukim theisih ding ahi. Tuajieh in inei dandan toh kituo del hamham sawm ding ahi. Hinanleh, hasat ni ahing tung chiang in bahlou theil ou a I um ta lejong, I sang ding kal ngala angai a, leibah inei jia, ideikhat I leilou phot angai ta hi. Leibah nei ngal a, ni-leh-puon thatha lei a bat sang ding don nawn lou chi te bawl lou ding ahi. Tuobang a I bat I ngaisah

nonlou leh I hasat ni ahingtun kia chieng in, koiman ahing hepi noawn sih ding ahi.

8. Tate zong chiil (trained) ding— Eima'n sum jat I siam banga, tate jong ki singsah ngai ahi. Sumbom lei pia, kumbul apat tengkhat, tengni a kholsah ding ahi. Tuahileh amauh leh amauh kitoudel a, a Khristmas puon ding uh jong aki lei thei dingua, ei sum jat hing don jang asuo ding uhi. Tulai tate jong School akai chieng un, adu— adaatam mama, tiffin man ding pia angai hi. Tuajieh in tate sum jatna ajong budget siempia a, kalkhat a ding in Rs.30/40 chi in alawm in pia in, ajatsiam dan ki jilsah ding ahi. Tua hileh tate jong sum chiil dan angsiem ding ua, pahtat lou tah in ahing jangthei ding ua, I hasatdan jong ahing thei siem ding uhi.

Tam atunga I thugen teng theisiem in juijou lei a zawng, I tawm ta ding ua, I khangtou hieihiei ding hi. Saapte'n 'Money is the Good servant, but bad Master 'achi uhi. Sum khusuo hoi ahi, hinanleh Pu hoilou chi na ahi. Sum khu I suo hi henlah I Pu in pangsah ngaisih vaui. Manpa'n simtu jousie hing guoljawl taken

in zui sawm chiat vai...

1. Sum kichi bang ahiei? : Sum pen dei ding ahia, hinanleh ngainat lou ding ahi. I poimawte lei theina sum ahia tuajieh a dei ding ahia hinanleh, lungkimna hingpe gige thei ahiloujeh in ngainat seng lou ding ahi. (Thugenpa 5:10) Tualeh Pasian theikawm a sum sui a, Pasian theikawm a zat ding ahi, ajieh pen sil zousia Pasian a ahia, sum-le-pai zongama a ahi. Eite pe'n akemtu meimei ihi uhi.

2. Sawm-a-khat a gin um ding- Sum ngainate leh hagau hin khuo aki zaw theisih a, Khristian khat ading a sum-leh-pai a kiningching i ut leh sawm-a-khat a gin um teitei ding ahi, tam pen bang chilai pou a Pasian hing phut, amasat a na hi (Malaki 3:10)

3. Ipoimaw leh ideite theisiem ding- Mihing chiatchiat hinanleizong sum mu dan aki bang sihhi. Tuajiah in i poimaw leh i dei kikhen siem angai hi. Etsahna'n ne-le-ta khu i poimaw ahia, hinanleh nih-ten, puan-sil, TV, Fridge, chite idei ahi. Tate School fee ban, innsung a ding a touna, lupna, purda mantam leh silsenglou ni-le-puan lei mi khenkhat a um a, tuate'n

apoimaw uh leh a deite uh akhensiam loujia uh ahi.

4. I sum neijat en a, lei ding leh lei lou ding gel khiat ding— Sum tampi nei mama hinanleh ajah lam theilou zong mi khenkhat a um hi. "Hijat kapua kasha leh, tajat um tavalong, ka khiatsah ade aw____"chiva nuai nu khenkhat jong a um hi. Tampen ajahdan uh achepte lou jialuhahibou hi. Tuajiehin, Bazaar pot ding chieng in, I leidingte laikhat a gel a, tuatoh kituochet a sum puo ding ahi. Tuahileh I poimawloute jong akilei khasih ding a, apun a I lei jia in jong, Sawm-a-khat sawmni Mahajonte kung a I dehgang ding a, tuapen saving thei ahing hiding hi.

5. Budget bawl ding — Pa in innsung a sum-leh-pai ahing puolutte khu Nu te'n hawm siem leh jah siem angai hi. Sum pen amaw a kilawdoh hilou, thaleh-jung, lungsim, khosa tampi seng a kilawkhie ahiman in, chil thei leh aki ching thei pen a jat angai a, tuajieh in Budget siemkhieta poimaw hi. Etsahna'n Rs.10000/- bang I hachin sum mu hitaleh, Sawm-a-khat a sangkhat, ne-leh-ta a Rs.5000/-, tate laisimna a Rs.1500/-, ni-leh-puon a Rs.2000/- kholkhiat

ziehin mapiengthahte ahi ua, a sung uah dawite alut theisih hi. Setan pen sakhuo dihlou leh kithuhilna dihlouna mun ah hatin thu aneidieh hi (I Tim. 4:1-3). A chil apatin Setan ama leh ama ana kidawmsang sawm hi....mi thuneina lahpisawm. A bul apat in thattu, susetu, hemtu, galbawltu ana hitatham hi. Setan in Angel-te sethumsuo sekhatte thuzaw in van ah kidouna ana pan uhi (Kihilna 12:4), tammun ahi dawi (demons) hing kipat khietna. Hinanleh Pasian in Vansawltah khelna neite zong akhawisih a, gawtmunah apai a, vaihawmpieh aum ding in kokhuh miel ah akhum a (Peter 2:4) tualeh a dinmun kemdenlou (fallen angels) a, aumna mun uh taisan Vansawлтаhte zong tuani thupi a gawt dingin miellah ah akoi a, kumtawn khainieng in akaan hi (Juda - 6)

PASIAN THUGEN TEN THEIDING:-

Nangpen Khrist thugin thutah zil nahi a, Khrist kithuhilna a khanglian nahi tuajiehin na unaute kungah tamsilte zilsah in (I Tim 4:6), hagau chinteng

gingta ding a siem hilou in hagau pen Pasian ahing kipan ahileh hilou chien zaw ding a hilte ihizaw uhi, ajiehpén guolnei tahlou tami leitungah apawt doh zouta uhi (I John 4:10), tamchi bang mite pen sawltah dihloute ahi ua, solhat a nasemte, Khrist sawltah a kibawltawmte ahi uhi. Tami pen a lamdang ahisih hi, Setan nangawn zong Vansawltah bangin aki bol thei hi, tuajiehin anasem mite, dihtatna nasem mite bangin kibawltu nan u'leh zong alamdang ahisih hi. Jesun 'guolnei dihloute lah ah pilvang un, amaute khu Belam vun sil na kung uah ahing peileng ua, a sunglam uah lah ngia gongsan ngen ahi uhi' (Mat 7:15). Gingtute pen pilvang mama ding a hil a umte ihi uhi. Setan in dawite solin Pasian thukigen na munte ah asawl zing a mite lungtang a Pasian thu kigenpen gusahsawm in asubuoi hi, Tualeh Luk 8:12 in ana hilchien mama mai hi-tualeh lampi gei a kete khu thu zakhate ahi ua, tuachin Diabol ahing pei a agintat lou ua, hundam ahitheilouna ding un, alungtang ua kipat thu khu alah mangpieh zel hi achi hi.

SETAN GAL ZAWNA DING LAMPI :-

Ephesa 6:10-17 tami i simleh Khristian na hi leh pen Setan in hing dou ngeiding ahi chi imu hi. Tualeh (II Tim 3:12) i simleh Jesu Khrist a Pasian ngaisah aumpou ma in bawlsietna ithuoh ding mawng ahi achi hi. Dou a um ihizieh in i *din(stand) theina ding in Pasian galvan bukim lava ui*, tana din pen Pasian thu lunglutlou, ngaitua masalou, Bible sim leh Biehin kai china hilouin nangma hinkhuo ah Pasian pen anina, thumna, lina a nakoi ding hizawlou in amasapen ahiding china ahi. Amasapen a koi in Pasian na ngai sah mama a, ama ading in ginumtah in na umzing ahi china ahi. ***Thutah in na kawng gahin-***

Gingtatna dihlo in sietna ahing tun a, na ginna athat thei a, na hinkhuo asuseding a, Pasian nasep natawpsan ding a tualeh ahing buoi sah ding hi. Pasian thutah Bible na muonngam na alamang ding hi (2Pet1:20). Thutah a ding kichipen Bible thei a zuizing mite ahi uhi, (I John 4:1) in hagau pen Pasian ahileh hilou chien zaw ding in ahing

hil hi. Thutah a ding, thutah zui kichite pen dihtatna awmphaw bulte ahi uhi. Dihtatna in dihtat zingte a ensah a...amauchte sildih bawl, hinkhuo siengthou tah a zangmite ahi uhi. *Lemna Khantanhoi i keng ah bunvai len, kiging zingin umva ui* (Mat.5:9, Mat.28:19-20, I Pet. 31:15), *tualeh ginna lum la va ui*-Pasian galkap ihileh eima bitna ding ginna lum ilading hizaw hi, Paul in eite ginna leh itna awmphaw silin, hundamna kinepna lukhuh khu in eima kithunun in umvai ana chi hi. (Thes. 5:8) Galvan lah a zauhuoi kigen pen tami ahi *Hagau namsau Pasian thu khu la va ui*, namsau in hagau a ensah a, hagau siengthou ahing kipan ahizieh in ei Khristian-te ding in apoimaw dieh hi. I tang in bangma ibawlthei sih ua, Setan gal i zawthei na ding un gingu ten Pasian silbawltheina ikitanpi ding uh ahi. Galsatna pen eima a hilou in Pasian a ahichi thei va ui. Pasian a galhangte ihi ua, ama hing thuhil dandan a sietdougat satte hi va ui.

CONCLUSION:-

Setan pen atahtah aum ahi, koikoi chi umlou in azawte a

bawlchai vadieng hi. Setan in Khristian kahi ahing kichisah ding a, hinanleh Khrist nundan ahing neisah sihding hi. Jesu nang a ding a hing shi ahi chi hing theisah van hinanleh na lungtang tahtah a nagingtat pen ahing dal ding a hutdam nahilou na ding in pan alading hi. Hing

hem in, ahing suzum ding a, ahing kipawlpi ut ding a tawpna ah ahing sumangthai ding ahi. Zuau(lies)hing kipat na bulpipa ahi. Tuajiehin Thutah pomva ui len thutah Jesu Khrist a tatsate hizaw va ui... Mangpa'n hing guoljawl taken..Amen.

SEMINAR ON

FAMILY FINANCIAL MANAGEMENT

- ***Nh. Mandeiniang***

Apeisatarik 10th, Sept 2012 (Seppatni) in Synod Golden Jubilee Hall ah, SEMINAR on FAMILY FINANCIAL MANAGEMENT akinei a, tuanah ei hattuom apat numei 20vel avakitel hi. Tuanah resource person in Pi. Sony Baite ahi, Shillong apat a hing kuan vingveng ahi. Innsung etkol ding danleh sum-leh-pai zahsiam ding dam nasatah in agen a, tuni'n I hattuom thusuo uah pawimo isahdeu teng i tahlang ding uhi.

Amasa pen in, 'NU' ichichieng in sapte'n "Home maker" achi ua, 'innsung bawltu' china ahi. Tuazia in 'NU' kichi khu athupi in a mawpuana zong alien mama hi. Nu umloua innsung khu abukim sih a, tuajieh in nu te'n zong amaw puona uhleh sum-le-pai zat dan atheisiam uh apawimoahi.

Etsahna'n, innsung a nukhu sum hawl in kipei ta gige henla, atate toh hun zangkhawm man lou in apawt ding teng" Bawi, hi aw chengsawm, nethei ana kilei ta awh" chi ta gige leh, atate'n tua chengsawmjia in anu tomkhat manghil ta nanlehsawtlou kaal in anuangai kia pai ding a, tua chengsawm sang in anu umpina khu apoimaw zaw gige ahi. Tuajieh in sum sang in nu apawimo zaw a, sumpe'n nu in jatdan asiem ding ahizaw hi. Tuajieh in, sum jat i siemna ding un tam anuoi a thute chepte

Undelivered
Please return to:

The Editor

Khristian Tangkou
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail:zpcs@rediffmail.com;zousynod05@gmail.com

To

Synod thu-le-la na thei ut leh
"JOIN Khristantangko"
chiin 09219592196 ah SMS thot in

--	--	--	--	--	--	--

Edited and Published by the Editor on behalf of the Zou Presbyterian Church Synod



A Monthly Christian Magazine
An Organ of the Zou Presbyterian Church Synod

Khristian Tangkou

Vol. 38 || No. 11

Suopat kum: 1964

NOVEMBER, 2012



Editor: REV. STEPHEN CHINZATHANG

Khristian Tangkou

Vol. No. 38 || Issue No. 11 || November, 2012

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. P. C. Manga - 9856130542

Cir. Manager : Mr. Jamsianmung - 9862086615
sianmung@rediffmail.com

Bus. Manager : Rev. Kamkhosoi - 9612850245
pastorkamsoi@gmail.com

Cont. Editors : Upa S.K. Khama - 9856406454
Rev. Awnkhankhup - 9862828921
Rev. Lamsuanthang - 9862072683
elesty@rediffmail.com
Rev. Thangboi Khuongsai

ZOU SYNOD ULIENTE

- Moderator:
Rev. Tualzachin
- Moderator Elect:
Rev. Awnkhankhup
- Secretary Sr.:
Upa Nengchinkap
- Secretary Jr.:
Upa T. Lamkthohawng
- Treasurer:
Upa M. Kamzadou
- Statistician:
Rev. Mangmuanthang
- Exe. Secretaries:
Rev. Stephen Chinzathang
Rev. P. C. Manga

Copies - 1000

AMAN

Kumkhat ah	- ₹	40/-
Post ah	- ₹	50/-
Copy khat ah	- ₹	3/-
Life Member Fee	- ₹	600/-
Patron Member Fee	- ₹	1000/-
Memorial gift	- ₹	1500/-

A sung thu

- Editorial01
- Thu Tuomtuom.....03
- Synod hing pien dan04
- Suongpi kip.....07
- Mitheilou Malma Setan 10
- ZPWF Seminar Paper lahtom 13
- Gin-umna..... 16
- Kemtuhina a dihtatna 18
- ZPWF Column 19
- Alai ah singkung21
- WCC hing pien dan22

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Pu S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. Upa (L) D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. Retd. V.Vungzalian	20. Rev. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthohawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhanniang
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Pu Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Shie Khamzathang	63. Pi Donchin	64. Upa Liankhanmang
65. Pu Hauchinlun	66. Pu T.S. Lal	67. Pi Goichiin	68. Pu T. Khupchinthang
69. Pu T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P.K. Soia	82. Pu Goukhai	83. Pi Niangkhanmang	84. Evan. G.L. Joshya
85. Pi S. Chingkhanmang	86. Pu Vumchinkhup	87. Upa Khaihenthang	88. Upa T.C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. Pu T. Kuppa	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100.Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105.Bhim Prasad	106. Rev. M.Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Pi Chinnu	101. Pu Hauliankap	112. Nh. Deborah Zou
113. Pu Kamgenpau	114. Rev. Mangsuanthang	115. Pu Lamchinhau	116. Upa Pauchinlel
117. Miss Baby Kimneihoi	118. Nh. Niangsuannuam		

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanniang	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Pu Kulthang